

ЎЗБЕКИСТОН – ТУРКИЯ: БИР ДАРАХТНИНГ ИККИ ЯПРОФИ

Мамлакатимиз тараққиётининг бугунги босқичида Президентлар Шавкат Мирзиёев ва Режеп Тайип Эрдўғоннинг дўстона муносабатлари, мунтазамлик касб этаётган учрашувлар ва самимий мулоқотлар кенг кўламли ҳамкорлик ҳамда биродарлик алоқаларини жадал ривожлантириш имконини бермоқда.

Вилоят ҳокимлиги қабуллар уйида вилоят ҳокими Шуҳрат Фаниев ҳамда Туркия ҳамкорлик ва мувофиқлаштириш агентлиги (ТИКА)нинг Ўзбекистондаги ваколатхонаси раҳбари Жемалеттин Туней ўртасидаги бўлиб ўтган самимий мулоқотда бу борада ҳаётга тадбиқ этилаётган эзгу ташабbusлар самараси алоҳида эътироф этилди.

- Биз қадрият ва анъаналари, турмуш тарзи, эътиқоди ўхшаш, бир-бирини таржимонсиз тушунадиган қардош халқлармиз,-деди вилоят раҳбари меҳмонни қутлаб. – Мухтарам Режеп Тайип Эрдўғон Тошкентда Олий Мажлис Қонунчилик палатаси депутатлари билан учрашувда ардоқли шоиримиз Эркин Воҳидовнинг “Ўзбегим” шеърини ўзбек тилида қойилмақом тарзда ёддан ўқиди. Бу суюкли шоиримиз Фарғона фарзанди.

Фарғона ва Бурса вилоятлари ўртасида кенг қамровли дўстона муносабатлар кўлами тобора кенгайиб бораётгани, Марғилон шаҳрида “Бурса Улудаг” университети филиали ташкил этилаётгани ўзаро ҳамфирлик ва ҳаммаслаклик тамоилига асосланган алоқалар йилдан-йилга яхшиланиб бораётганидан далолат беради.

Ўз навбатида ТИКАнинг Ўзбекистондаги ваколатхонаси раҳбари самимий қабул учун вилоят ҳокимига миннатдорчилик билдириб, ҳамкорликда амалга оширилиши режалаштирилаётган истиқболли лойиҳаларга юксак ишонч билдириди.

Учрашувда соғлиқни сақлаш, кишлоқ хўжалиги, кичик ва ўрта бизнесни ривожлантириш, таълим муассасалари фаoliyatини замонавий мезонлар асосида таъмирлаш мақсадида амалга оширилиши кўзда тутилаётган лойиҳалар муҳокама этилди. Туризм, енгил саноат, чорвачилик сингари тармоқларда ҳамкорлик кўламини янада кенгайтириш истиқболлари ўрганилди.

Миллий қадриятларимизга кўра, учрашув якунида меҳмонларга вилоят ҳокимлигининг эсдалик совғалари топширилди.

Фарғона вилояти ҳокимлиги Ахборот хизмати.

Facebook, Telegram, Веб сайт, YouTube

2020-09-14 16:13:30